



UNIVERSITÄTS-
BIBLIOTHEK
PADERBORN

Universitätsbibliothek Paderborn

Specvlvm Iuuentvtis, Sive Insigniores Pveritiæ Atqve Adolescentiæ Sanctorvm

Bosendorf, Hermann

Monasterii VWestphalorvm, 1615

Agapitus puer 18. Aug.

urn:nbn:de:hbz:466:1-42900

regis favore perfruaris. Quibus ille ætate quidem puerili, senili tamen maturitate occlama-
 bat: Nemo me separat à sancto patre meo Liberato Abbate, & fratribus meis, qui me in monasterio nutrierunt. Cum ipsis in timore Dei conuersatus sum, cum iisdem extrema quoque lubens perpetiar. Simul nos septem Dominus congregare, simul etiam spero vna martyrij corona donare dignabitur. Perducti itaque cum festinatione ad nauale supplicium extensis manibus & pedibus figuntur clauis, tum faces lignis admotæ; verum mox ignis resedit, & quamuis iterum atque iterum magno conatu succenderetur: breui tamen diuino nutu sopitus, tyrannum furore ac verecundia compleuit. Quare ad extremum beati martyres, eius iussu remorum vectibus enecati, & comminuto more canum cerebro, desideratis martyrij laureis potiuntur.

MARTYRIUM S. AGAPITI PVERI
 15. annorum apud Adonem Treuirensis Episc. 18. Augusti. Sur.
 Tom. 7.

A pud Prænestinam urbem milliatio ab urbe trigesimo tertio S. Agapitus præclarum martyrij certamen sub Aureliano Imperatore, præfide Antiocho, peregit. Cum enim martyrij amore ferueret, annorū nō amplius quindecim iussu Imperatoris diu crudis boum
 Bb 2 neruis

neruis cæsus est. Deinde cū nihil eo supplicio moueretur, fuit Præsidi traditus: qui eum terrimo inclusum carceri quatruiduana vehementer afflixit inedia. Tum vero è custodia eductus ardentibus prunis capiti eius impolitistortus est. Cumque in illis tormentis gratias in super Deo ageret, flagellis cæsus, & nudus capite deorsum verso acri subter fumo factosuspensus est. Sed nec illa tormenta martyrem vel tantillum à constantia dimouere; quin potius forti ac virili animo Præsidi dicebat: Sapientia tua & vanitas in fumo laborat. Præsides ea martyris virtute irritatus, iterum flagellis à quatuor sibi inuicem succedentibus cædi, aqua bulliente perfundi, & maxillas eius

Constantia confringi iussit. Sed non tulit homo nefarius
Et fortitudo martyris. impunè quod in martyrem impiè moliebatur, nā subito casu è tribunali prolapsus, paulo post infelicem animam gemebundus efflauit. Porro Imperator Aurelianus audita præsidis sui morte, & inuicta Agapiti virtute, iussit martyrem leonibus obijci: qui mox feritatis obliti, pedibus se beati athletæ prostrauerunt, eiusque plantas multa mansuetudine lamberunt. Hoc videntes sceleris ministri, eductum è teatro martyrem gladio trucidarunt.